



UNIVERSITÄTS-
BIBLIOTHEK
PADERBORN

Universitätsbibliothek Paderborn

Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

XLII. Ius Eligendi Ordinandique Pastores, seu Ministros, estne Populi, an
Episcoporum?

urn:nbn:de:hbz:466:1-35233

AVTOR. Vera est CONFESSIO de Veritate Ecclesiae Romanae, Ethnicorum, Iudaeorum, Haereticorum, Turcarum. &c.

XIV. LUTHERO-CALVINISTARVM, omniumque hostium Ecclesiae, infelix temper exitus fuit.

XV. Felix autem Prosperitas, cum Deo, Ecclesiae verae fuit, est, erit.

VII. DE CLERICIS.

QUESTIO XLI.

Rectene hi Clerici, isti Laici appellantur?

LUTHERO-CALVINISTAE, quod rem Latinet, haud negant, ministerium Verbi & Sacramentorum non ex aequo ad omnes pertinere: vocem tamen Cleri auersantur.

LUTHERVS lib. de abroganda Missa priuata, par. 1. *Quod nostra translatio habet: Non dominantes in Cleris, interpretis incuria fuit, qua facti, in Clerum hoc loco intelligerent, quos nunc à Laicis discretis in pia hominum traditio. Infra. Hoc dixisse contenti sumus: Christianum populum esse simplicem, in quo prorsus nulla secta, nulla differentia personarum, nullus Clericus, nullus Laicus, nullus vnicuique, nullus rufus, nullus Monachus esse debeat.*

CALVINVS Instit. l. 4. c. 4. §. 9. *Hac appellatio aut erroris, aut certe ex praua affectione nata est: cum tota Ecclesia Clerus, id est, haereditas Domini, à Petro dicatur: Idem ad 1. Pet. 5. Utinam Patribus nunquam venisset in mentem, ut hac voce uterentur. Gal. 3. Omnes enim vos vnum estis in Christo Iesu.*

AVTOR. I. Distinctio Clericorum & Laicorum est omnino Christi, loa. 15. *Ego elegi vos, scilicet turba.* 2. Est Apostolica, 1. Pet. 5. *Non Dominantes in Cleris.* 3. Est Canonica in descriptis à S. Cle-

mente Canonibus Apostolorum, Can. 3. 12. 15. 4. Est ea antiquissimorum Patrum, & Conciliorum: apud Bellarm. lib. de Clericis c. 1.

II Vnitatis & Simplicis populi Christiani est, quae describitur Eph. 4. *Vnum Dominus, una fides, unum baptisma, unus Deus & Pater omnium.* Vt vnum dicant, idem sentiant, & non sint in eis schismata. Haec simplicitas procul à Luthero caluinistis exulat. 2. Nec Cleri & Populi distinctio cum Vnitate ea pugnat magis, quam membrorum diuersitas Corporis Vnitate. 1. Cor. 12. *Si totum corpus oculus; ubi auditus? &c. Et si omnia essent unum membrum, ubi Corpus? Non autem multa sunt membra, vnum autem corpus.* 3. S. Petrus uce, Cleri, allude ad Leuitas, Deut. 18. Num. 18. à quibus fors natiuitatis transit ad Christianos sorte Electionis.

SVASIONES contrariae ex his conuertunt vtrò.

QUESTIO XLII.

Ius Eligendi, Ordinandi, Pastores, seu Ministros estne Populi, an Episcoporum?

LUTHERVS lib. de potest. Papae Hydrus & Centuriatores, Brentius, & Kemner &c. Itemque CALVINVS Instit. l. 4. c. 14. §. 15. *Habemus esse hanc Legitimam ex Verbo Dei Ministri vocationem.* 1. *Ubique populi consensu & approbatione creantur, qui fuerint idonei.* 2. *Praesertim autem Electionem debent Pastores: ne quid per leuitatem, vel per mala studia, vel per tumultum à multitudinis peccetur.* Volunt igitur: *Vocare & Eligere Populi esse, iure diuino; non Papae, non Principis, non Canonicorum:* 1. *Ordinare*

nate verò, Pastorum tantum; sed nomine Populi, quem repræsentant Pastores. Plura infra quaest. 44.

AUTOR. Iure diuino Potestas Eligendi Ordinandique est penes Episcopos solos. 1. Ita S. Scriptura, in meo *Antichristopart. 2. q. 13.* 2. Ita S. Concilia & S. Patres vniuersi. 3. Quod si Sacrum Clerum Eligere & Ordinare nefas est Sacerdotibus; quanto magis Laicis?

4. Et illius tam constans Ecclesiæ est Consuetudo, vt à *Seculo non sit auditum*, Episcopum à non Episcopo ordinari: vt nec vlla vnquam hæretica licentia tale quid vsurpauit. Lutherum Orthodoxus Episcopus ordinauit Sacerdotem; Episcopum nemo, nisi ipse. *Esse quia vult, fit Deus Alexander;* ait Laconicus Sarcasmus. Et ipse idem se telo scæmur adspiciens irrisit isto: *Ecce Deum Ammonium.*

5. Ipse Calvinus Instit. l. 4. c. 3 § 16. *Lites nullam extet certum præceptum de Manuum Impositione; quia tamen fuisse in perpetuo vsu Apostolorum videmus, illa iam accurata eorum obseruatio, Præcepti vice nobis esse debet.* Infra: *Habendum est, non vniuersam multitudinem manus impositione Ministrum, id est Sacerdotibus; nam Episcopos vocat Pastores.*

Iam sic argumentor. Non sunt veri Pastores, id est Episcopi, qui non sunt permanum Impositionem à veris Pastoribus ordinati: Atqui tales sunt Lutherus, Zwinglius, Calvinus &c. Ergo. Nam istud S. Hieronymi Epist. ad Euaugrium approbat Calvinus: *Quid facit, excepte Ordinatione, Episcopus, quod Presbyter non faciat?*

6. Ordinationem Romano-catholicam nihili facit Calvinus Instit. l. 4. c. 5. §. 3. *Ordinatio nihil est aliud, quam mirum ludibrium.* Sic & Kemnitius: Ergo Lutheri, Caluini, &c. Ordinatio ipsis nulla fuit, & nec illis Sacerdotes fuerunt, nec Episcopi: neque à populo ordinari potuerunt.

Sequitur porro: Cùm veros Episcopos non habuerint, nec veram Ecclesiã habuisse vnquam. Quia bene Calvinus Instit. l. 4. c. 3. §. 4. *Sequuntur Pastores & Doctores, quibus carere nunquam potest Ecclesia. Est enim Ecclesia,* ait S. Cypri. epist. 9 l. 4. *plebs Episcopo adunata, & Pastori suo Grex adharens.* Hoc argumento S. Hieron. in Dialogo contra Luciferianos, Hilarium hæreticum constrinxit.

Vnum super refugium est Caluino ibi. *Apostolos postea quoque, vel saltem eorum loco Euangelistas interdum excitauit Deus, (vt Lutherum, ipsum, &c.) vt nostro tempore factum est. Talibus enim, qui Ecclesiam ab Antichristi defectione reducerent, opus fuit. Munus tamen ipsum nihilominus Extraordinarium appello: Quia in Ecclesiis ritè constitutis locum non habet.*

AT, infelix effugium! Nam semel constituta à Christo Ecclesia ruere non potest: vtpote fundata supra Petram, non arenam: quocirca nouis haud eget Apostolis: præsertim qui sine signis venerunt non missi; vt Lutherus, Calvinus, Arius, Mahumet. &c.

7. Denique, *Act. 14.* Paulus & Barnabas, Episcopi & Apostoli constituebant per ciuitates Presbyteros; non populum, non Magistratus ciuilem. Ad Titum 1. *Huius rei gratia reliqui te Episcopum Crete, vt constituas per ciuitates Presbyteros.*

tyteros; Sicut ego constitui tibi. Et Flacciani Cent. 1. l. 2. c. 2. primos Episcopos ab Apostolis esse constitutos fatentur.

QVÆSTIO XLIII.

Sitne Pastorum Electio immediate à Deo solo, aut ex carnali propagatione?

IOAN. WICLEF & HVSS, teste Tho. Walden. l. 2. doctrina fidei c. 39. & 40. Solius Dei esse aiebant, Pastores eligere. Quia solus nouit prædestinatos pios; quales Pastores oportet esse. Eorum articuli in Concilio Constantiensi Sess. 8. damnantur tales. Prælati sunt præfatus & malus non habet potestatem super Fideles: Et, est aquiuocè Pastor, Et, Non electioni hominū, sed operibus electi oportet credere.

AVTOR. Deus, 1. Reg. 10. elegit Saulem; at dein reprobum: Christus Iudam; Ioan. 6. Nonne ego vos XII. elegi, & unus ex uobis diabolus est? Apostoli inter Diaconos, Act. 6. Nicolaum elegerunt præfulem. S. Patres consentiunt, improbos Episcopos esse tamen veros: ut Ioan. 11. Cayphas, cum esset Pontif. anni; illius, prophetauit. Electio autem per Sortes etsi, Act. 1. ab Apostolis usurpata ex priuilegio, tamen recte ab Ecclesia est prius omissa. Vide Bell. l. 1. de Clericis c. 6. De Luthero-caluinianis Prædestinatis sileo. VVicleffizant.

II. HEBRÆIS nascebantur Sacerdotes, Tribu Leuitica semel à Deo ad d. destinata; Benetunc.

AVTOR. At Christianū non decebat Sacerdotium propago carnalis. I. Quia sunt Sacerdotes secundum ordinem Melchisedech. Hebr. 7. Ideoque sine patre, sine matre, sine Genialogia. 2. Sic prædixit Isa. 66. Abs. matrem ex eis Sacerdotes & Leuitas. &c. Aliud est, ut Sacrificium, sic & Sacerdotium, in Nouo Testamento;

QVÆSTIO XLIV.

Ius eligendi Papam & Episcopos. &c. An sit Populi de iure diuino?

LUTHERO-CALVINISTA supra q. 41. affirmant.

SVADENT istis. 1. Quia, ait Calvinus, veteres popularem electionem usurpabant. Sicut in politicis, electio Regis est Populi. Cætera argumenta colligit ex Luthero Brevitio, Caluino, Illiricus l. de electione.

2. Quia, Matth. 16. Tibi, ut Ecclesiam representanti, ait Aug. tract. 124. in Ioann. ad claus. &c. 3. Matth. 18. Quæcumque alligaueris: Qui alii? Dic Ecclesia, id est, Populo.

3. Episcopi sunt Ministri Ecclesie, non Domini: 1. Cor. 3. 1. Pet. 5. Ecclesia autem, 1. Tim. 3. est Columna veritatis ergo pete hanc, non illos, summum est tribunal.

4. Quia, Act. 1. Tota Ecclesia elegit Mathiam & Barnabam; non Apostoli.

5. Act. 6. Multitudo credentium elegerunt Stephanum.

6. Act. 14. Cum constituisset, & c. id est, elegerent per suffragia, illi per singulas ciuitates Presbyteros.

7. Quia sic docet S. Cyprianus, & Conc. Nycænum, & II. generale: Et sic usus per 1300. annos in Ecclesia.

AVTOR. Electio non est Plebis iure.

1. Non diuino, patet in Antichristi part. 2. quæst. 17. itemque supra q. 42.

2. Adde, Hebr. 5. Nemo sumit sibi honorem; sed qui vocatur, ut Aaron: qui Moysen, non à Populo est electus.

3. Iure diuino & naturali Episcopi sunt Pastores plebis: Act. 20. 1. Pet. 5. Nec controuertitur. At Pastorum est Prescere, id est, Regere; ad quod Electio quoque pertinet.

4. Apo.